

中國地方志集成

浙江府縣志輯⑤⑤

康熙衢州府志

民國衢縣志(一)

江蘇古籍出版社 ● 上海書店 ● 巴蜀書社

封面設計 范一辛

責任編輯 盧建幸
王海浩

中國地方志集成
浙江府縣志輯(55)

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二五九元

1993年6月第1版 1993年6月第1次印刷

ISBN7-80569-866-X/K·161

沪新登字119号

重刊衢州府志序

唐宰相李吉甫撰元和郡縣志其進書表曰古今言地理者凡數十家尙古遠者或搜古而略今採謠俗者或傳疑而失實飾州邦而敘人物因邱墓而徵鬼神流於異端莫切根要至於邱壤山川攻守利害本於地理者皆略而不書將何以佐明王扼天下之吭制羣生之命收地保勢勝之利示形束壤制之端此微臣之所以研精聖后之所宜周覽也由此論之地志之作難言之矣三衢踞東浙之上游控鄱陽之肘

衢州府志

序

腋扼甌閩之咽喉連宣歙之聲勢東南有事在所必爭辛壬年閩粵匪竄浙州郡盡陷唯衢城屹然獨存湘鄉左靖愨侯由此進兵勢如破竹雖運籌之善亦半由得地利也官此土者苟有意於此則必流覽舊志衢州自前明葉大參纂志後百二十餘年無作者至康熙辛卯郡守楊君始修其書今又重經兵燹書缺有閒矣去年秋予蒞

命來巡是邦下車以後默覽山川隘塞備稽輿地沿革隱然有修志之心而未及言焉今郡守安陸劉君以所

重刊楊志問序於予予取而覽之見其辨疆界圖山

川考因革論要害計道路險易遠近瞭若指掌李吉甫所謂扼天下之吭制羣生之命收地保勢勝之利示形束壤制之端者意在斯乎其他各類皆根據切實詳簡得宜較諸搜古略今傳疑失實飾州邦而敘人物因邱墓而徵鬼神者亦有閒矣洵地志之善本也雖然自康熙至今又歷百數十年矣此百數十年中山塞有昔險而今平昔衝而今僻者水流有昔通而今湮昔長而今促者以及土田之變遷學校之興

衢州府志

序

廢制度之增損與夫粵匪之難官師士女有捐軀授命而不惜者皆當詳考遐搜補輯而類誌之劉君博學負經濟才他日必有成書以備此邦之掌故予拭目俟之

光緒八年太歲在元默敦牂孟夏之月二品廕生花翎三品銜分巡浙江金衢嚴道兼管水利事務聯綬

譔

重刊衢州府志序

夫物將缺而彌則易全緒將殘而延則莫墜推之典籍之舉廢何莫不然庚辰冬余由閩汀移調來衢衢爲東浙上游郡屬隸五邑地當數省孔道南接建甯北鄰黟歙西連饒信東近金華徑輪廣袤極千里而遙惴惴焉以不克稱職爲虞下車伊始徵文考獻詢及郡志則自大叅葉公纂修百二十餘年後康熙辛卯復經楊競如前輩重修今又百有數十年矣無有繼焉者存板僅十之一二再三查訪獲舊本二三部互相展閱字畫半多漫漶頁數亦多殘缺

衢州府志卷首

序

竊以修志猶修史史有三長才學識無偏廢居今稽古蒐求討論秉筆之餘出以碩見持以至論非此不免魏收之譏志乘所傳夫豈易易前之人或叔或因著有成書不知費幾經營久之方策剝蝕又散佚於風霜兵燹而零金碎玉遺帙猶有存者抱殘守缺補帷塞漏校讐彙刊之役守土者復何敢辭爰於公餘暇重加攷据並集寮友數人交相對勘或借證於他書或意會而所合至無可借證無可意會則闕疑莫敢臆斷卷凡四十類六十有奇籌款重刊五閱月既葢其事刷印一觀哀然新編當日楊公初成時

夫何異是顧天時物理更迭日殊土俗民風積久日異計自康熙辛卯至今多歷年所其間節孝之可風忠義之可欽人物冠裳之可美豈伊之人兼以咸豐同治間逆匪擾境雖郡城無恙而屬邑致陷鄉閭蹂躪所有殉難捐軀待採訪而備紀載異日增修補入守土之責固不容已而衆擎易舉不能不厚望於郡人士今茲之役亦聊幸構室之有基云爾

光緒八年歲在壬午仲春之月在任儘先補用道知衢州府事前京畿道監察御史劉國光撰

衢州府志卷首

序

二

原序

今之志乘古之外史也王者欲周知四方之得失因以外史掌之俾有所記以徵治忽故其職與小史掌邦國之志者等而未始分軒輊也迨東漢設郡邑之志而外史缺焉然其志山川土田與民風吏治則亦猶外史之遺而獻之王朝以備採擇而議興除甚鉅典也猶憶戊辰己巳間我

皇上詔修統志徧徵十五國之輿書凡此海隅日出之邦罔不編次鱗集而衢郡無聞蓋衢當閩粵之衝又值

衢州府志卷首

楊序

一

兵燹之餘土瘠而民罷官其地者執掌風塵馳驅王事一艱於珥筆之無人再艱於燕閑之無暇故自有西邑大叅葉公增修後歷百二十餘年未有議及此者職是故也然亡者勿補絕者勿續更數十年而湮沒殆盡其將奚所取證安所折衷也哉及其後而議創舉者未必不追咎於今日也丙戌歲予來守是邦搆其殘編多所缺畧慨然有續輯之思而冗次未逮越明年丁亥政稍就理乃集衢之紳士次第叅酌微顯闡幽倣史遷遺意有紀有傳有表有志有圖凡爲

書如千卷其於舊志少有增損要之闕疑傳信校訛訂謬期於盡善自沿革建制官師人物賦役水利以至農桑物產文藝凡以類越己丑春告竣乃捐俸庀材付之剞劂而遽有解組之命余固深幸歸田之日而轉恨此書之未終也今幸三韓

馬公蒞止長才宿學美政良猷留心地方與余有同志焉兼之諸君子委曲贊勸今年秋聿觀厥成而余心可以欣然自慰矣吾因之有感焉凡服官郡邑必以民之利弊爲先務乃欲知利弊而不求利弊之源

衢州府志卷首

楊序

二

則興除不可得而施也志乘者利弊之源也今旣成矣而後之官斯土者覽山川之勝則知輿地之險要觀賦役之條則知土田之肥瘠景賢俊之挺生則知典型之有在考學校風俗之說則知士習民風之洎滴而師師者因而爲之損益因而爲之調劑因而爲之潤色則斯志也詎非衢郡政治之攸係者哉當今聖天子惠愛元元凡有關國計民生者皆莫不殫精圖治况志乘一書所繫綦重而顧可勿亟亟乎余故不憚搜討校讐以重新之卽今解組歸田而此心惓惓固

未有艾也異日者

馬公奏績

彤廷持是書以獻而備採擇焉則凡山川土田吏治民風
燦若列眉安知不與古之外史以徵治忽而議興除
者同功也哉余雖不文聊述數言弁其篇首如此時
康熙歲在辛卯秋八月上浣之吉

誥授中憲大夫知浙江衢州府事加一級毘陵楊廷望撰

衢州府志卷首

楊序

三

原序

自來疆索之遠無過今日

聖天子神聖慈仁不待考圖數貢而睿思廣濶常周浹於
寰宇之內卽今職方所掌一統有志皇輿有考又敕
史氏袁採天下水陸道里袤延將彙爲成書以鉤覈
其實伏惟

九重宵旰之勤其加意於輿經地諫者若是乎其重且詳
也衢之爲郡居全浙上游所襟帶所控引勢常及於
千里而遠其間山川之秀產殖之饒文獻之所留遺

衢州府志卷首

馬序

真靈之所窟宅夙號爲東南名勝之壤而顧或載紀
不存編纂失次吏斯土者其何以周知險易疾苦而
仰稱

聖朝同文同軌之盛治乎遜服官三十年所至必徵其旁
近郡邑之志篋而藏之以備覽索既遷東浙問志於
衢掾胥以舊志進則幾漶漫不可卒讀蓋自季明迄
今皆因循故冊以作羔雁之具文莫有能起而整輯
之者以故近時之政事因革人物盛衰皆闕然莫考
又其文不雅馴每條以數駢語綴其前而於義無取

志體又不宜爾余爲慨然嘆興者久之己丑歲臘余奉檄攝守來衢適前守武進

楊君已有重修府志之役將次竣功而屬余以未竟之緒余得而閱之其排次條目援據舊聞決擇頗能簡核而

鼎建以來中間更厯寇亂漸次蕩除復生息休養數十年之事迹亦約畧可觀雖於古史材之文筆持論未知何如第較之故冊所云則已赫然改觀矣余正嘉楊君之能勤是役而又自幸得襄成事以列名其間

衢州府志卷首

馬序

二

爰爲校勘數過鳩資趣工俾速斷手而衢於是乎有完志云余又竊惟衢雖望郡民俗如今日不可謂不庶且饒然於上下之間多有難爲焉子不云乎君子學道則愛人小人學道則易使也今衢之生徒另列戶版而興訟連糧之習時出其中民之獷而黠者亦輒相倚依以扞文網其隸胥類不土著率跋軌如一不中使令彼視長吏如置奕綦然休戚不一關其慮欲誨而化之蓋綦難也又曩時荒逋之後按畝加額土縮而稅淨良戶不勝其累而積荒彌望有力者恣

意占墾動成阡陌曾無毫毛之入以佐正供此積困之在民者而常山開化爲甚山源深窅林箐險密有靛麻紙鐵之利爲江閩流戶蓬羅踞者在在而滿或蠶飛而集獸駭而散叢姦府患不可爬梳此隱憂在上者而西安龍游爲急是皆關志體之至大而勢不可以須臾苟讀志而弗留意於是弗有以區畫之則志完無庸也余捫事日淺無能爲衢郡計久遠之利害然蒿目鉅心不敢遽默爾以去故因序郡志而附陳之於簡末以俟後之領是邦者

衢州府志卷首

馬序

三

康熙歲在庚寅閏七月上浣

誥授奉政大夫台州府清軍驛傳海防總捕同知加三級署衢州府事三韓馬遜撰

光緒八年壬午重刊衢州府志銜名

總刊校

在任儘先補用道衢州府知府劉國光 安陸

督刊

衢州府照磨張鑄秋 嘉應

繪校

候補府照磨姜超伯 六合

詳校

候補縣丞汪文瀾 婺源

衢州府志卷首
銜名

八旗教習何子誠 安陸

廩生劉玉光 安陸

校對

候補典史姚溶 清河

候補未入流向文煥 華陽

候補驛丞張道錦 黃陂

湖南候補同知劉明翰 安陸

衢州府志卷首目錄

知府安陸劉國光重刊

卷一 分野

卷二 疆理

卷三 山川

卷四 城池

卷五 廨宇

卷六 學宮 社學 貢院 書院

卷七 聖廟 家塾

卷八 坊巷

衢州府志卷首
目錄

卷九 鄉里 市鎮

卷十 水利

卷十一 郡縣

卷十二 府官

卷十三 縣官

卷十四 學官

卷十五 庶官

卷十六 武官

卷十七 品秩

卷十八 國學

巳

卷十八 選舉

卷十九 選舉

卷二十 世科

午

卷二十一 戶口 職役

卷二十二 田賦

卷二十三 貢權 物產

卷二十四 學政

卷二十五 典禮 風俗

衢州府志卷首

目錄

二

卷二十六 寺觀 陵墓

未

卷二十七 荒政 養老 養濟 囚糧

卷二十八 兵防

卷二十九 藝文 兩卷

申

卷三十 五行

卷三十一 循吏

卷三十二 名賢

卷三十三 武功

卷三十三 政事 宦蹟

酉

卷三十四 文學

卷三十五 孝友 孝義

卷三十六 忠節 忠義 忠臣

卷三十七 隱逸

卷三十八 僑寓 方外 里善 里行 鄉飲

卷三十九 方伎

卷四十 列女

亥

衢州府志卷首

目錄

三

衢州府志卷一



武進楊競如先生重修本 知府安陸劉國光重刊

分野圖第一

古之言分野者三代以前尙矣其書靡得而考云漢唐以來司馬遷班固李淳風僧一行之說爲最著明劉基著清類天文分野書



國朝用西洋厯推測今並列其著於衢州者傳云天道遠人道近太史公云未有不先形見而應隨之者也後之爲治者盍亦先務其近者可乎

衢州府志卷一

分野



古測分野度宿圖



衢州府志卷一

分野

二


自牛五度至女三度

清類天文分野書

延望

按漢唐分野衢州統於會稽至明始以十二次分配各郡而衢州在牛女度卽漢書地理志越地牛女分野之說也

今測分野度宿圖



斗四度

浙江通志

衢州府志卷一

分野

三

延望
按此爲 國朝分野西洋厯之所推卽漢書
天文志斗又爲越之說也

衢州府志卷二

武進楊競如先生重修本 知府安陸劉國光重刊

疆里圖第二

鄭樵有言州縣之設有時而更山川之形千古不易故禹貢分州必以山川定其經界後世罷侯置守郡邑屢更不能以山川紀者勢也衢州當潏水仙霞之會漢唐而降建置州縣其疆域之大小道里之遠近前志載之畧矣今取自明以來可考者列於左方若夫東近金華西連饒信南接建甯北鄰黟歙固形勝之區也東坡荊州詩云亦解興亡意昇平不敢論後之人念哉

衢州府志卷二

疆里

一

府疆里圖

衢州府志卷二

疆里

二



衢州府志卷二

疆里

三

辛巳秋九月六合姜超伯重摹

衢州以州有三衢山名

元和郡縣志

東西廣二百二十五里南北表二百二十里

大清一統志 浙江通志

東西二百三十里 南北三百五十里

東一百一十里至金華府湯溪縣界

大清一統志 趙鏜府志 東一百二十二

里至金華府蘭谿縣界

西一百一十五里至江西廣信府玉山縣界

大清一統志 趙鏜府志

同

南一百三十五里至處州府遂昌縣界

大清一統志 趙鏜府志 一百四十

里至福建建甯府浦城縣界

北九十五里至嚴州府遂安縣界大清一統志 趙鎰府志 北二百一十里至嚴

州府建德縣界

東南一百四十里至處州府遂昌縣界大清一統志 趙鎰府志 趙鎰府志

西南一百八十里至福建建甯府浦城縣界大清一統志 趙鎰府志

一百六十里

東北九十里至嚴州府壽昌縣界以下俱大清一統志 趙鎰府志 同

西北一百九十里至江南徽州府婺源縣界一百九十五

里至江西饒州府德興縣界

水路東北六百里至浙江布政司又北四千四十里至

衢州府志卷二 疆里

京師

陸路東四百八十里至浙江布政司又北四千一百六十

里至 京師

府居浙右之上游控鄱陽之肘腋擱閩越之喉吭通宣歙之聲勢東南有事此其必爭之地也圖經云衢州川陸所會四通五達江浙閩廣之所輻輳守兩浙而不守衢州是以浙與敵也爭兩浙而不爭衢州是以命與敵也雖然攻守萬端巧拙異用神而明之亦存乎其人而已矣方輿紀要

郡為往來孔道無事聽商賈之通行有事據要害以防守守仙霞以扼閩守豪嶺以制括防壽昌于梅嶺絕遂安于威嶺杜饒寇于歇嶺此戶牖之計未雨綢繆者也葉秉敬府志圖說

漢唐以來饒信有警軍鋒被于兩浙者往往先及信安唐乾符五年黃巢破饒信歙等州轉掠浙東因刊山開道七百餘里直趨建州說者謂巢所開道即今仙霞嶺路也自仙霞嶺關而衢州之形勢尤重矣宋建炎紹興諸將削平江閩羣賊往往戰于仙霞南北元明之交處

衢州府志卷二 疆里

五

建衢三州尺寸之間皆戰場也明葉宗留鄧茂之亂衢州之震驚亦數數見矣嘉靖間倭寇縱橫浙閩受患最劇惟衢州山僻險阻得以少安 國初大兵由溫處開道捷出閩疆而山藪哨聚多出沒于此康熙十三年閩逆與滇黔賊黨相為影響率其徒旅疾出仙霞賴浙中諸帥稟 廟堂成算堅守衢城賊雖擾攘于仙霞以北旁齧處信兼及歙婺竟不能越衢一步也則其為浙閩之險何如哉大清一統志

西甯縣疆里圖

疆里

六



疆里

七

西安縣原名新安晉時弘農有新安縣故改信安寰宇記唐末改爲西安唐書地理志縣有信安溪文獻通考亦名西溪一統志故

西安縣原名新安晉時弘農有新安縣故改信安寰宇記唐末改爲西安唐書地理志縣有信安溪文獻通考亦名西溪一統志故

寰宇記
一統志
唐故

東西廣七十五里南北袤一百二十里

東西廣七十五里南北袤一百二十里

里編戶一百六十五里大清一統志明一統志一百六十三里明廣皇輿考一百六十

里編戶一百六十五里大清一統志明一統志一百六十三里明廣皇輿考一百六十

八里

八里

東四十里至本府龍游縣界烏頭舖自界至縣三十里以下

東四十里至本府龍游縣界烏頭舖自界至縣三十里以下

俱大清一統志
趙鏜府志同

俱大清一統志
趙鏜府志同

西三十五里至本府常山縣界漁湖舖自界至縣四十五里

南一百二十五里至處州府遂昌縣界大金竹嶺自界至縣一百六十里

北九十五里至嚴州府遂安縣界灰嶺自界至縣一百四里

東南一百三十里至處州府遂昌縣界馬嶺口自界至縣一百五十里

西南五十里至本府江山縣界後溪自界至縣二十五里

衢州府志卷二

疆里

八

東北六十里至本府龍游縣界大路口自界至縣二十里西北四十里至本府常山縣界葉坂自界至縣二十里

此皆以陸行驛道為準若水路迂曲其增遠于陸率十之二三至其他荒途捷徑若雷公嶺之界遂安菱湖嶺之通開化潼山源之達常山芙蓉村九都湖南之出江山靈山盈川之接龍游比鄰錯壤在在有之大率不可以方隅限更不可以道里計者也

縣志

西安疆索大抵東西迫隘南北遙阻故南鄙爲重而北次之南山峭矗萬重鳥道一綫有離縣一百四五十里

者徑術雜出須江遂昌皆窳突無人之境其東南入括

蒼爲黃檀羅樟諸源險僻尤甚明時額設二巡檢司今

版圖已入裁欵而嚴剝久爲寓公寓府城今亦奉裁毋亦姑設

版焉而鳩其故隘乎北山故礦場視南山較淺而界歛

睦特近途徑叢襍深溪峻嶺人尤獷悍稍闌入三二十

里卽爲內地惟外藉峽口杜澤雙橋諸大村落爲捍蔽

固唇齒之勢也至于東下龍邱惟以東蹟一溪爲限其

西入定陽則循溪繞山聚落稀少易生梗阻一有不虞

則古塘葉坂皆重地矣聞之父老明時南有詭賊北有

衢州府志卷二

疆里

九

礦盜生民皆被其害至本朝定鼎初及耿逆之變兩山爲揭竿窟穴而揚溪湖山之內隔閼數年始漸次弭息則綢繆未雨者于地方形勝之區固宜預爲深思而熟計之者也

同上

